

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650

Fax: 035/668 672

Broj: 02-45-3502/21

Čelić, 09.02.2022. godine

A. Izetbegovića 60-2. 75246 Čelić

E-mail: info@opcinačelic.ba

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14), člana 16. Pravilnika o postupku javnih nabavki roba, usluga i radova u Općini Čelić, broj: 02-45-901/21 od 16.03.2021. godine i člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-3502/21 od 09.02.2022. godine, u postupku javne nabavke radova “Izgradnja javnog objekta namjene odgojno obrazovni objekat-Obdanište”, Općinski načelnik donosi:

ODLUKU *o izboru najpovoljnijeg ponuđača*

Član 1.

Prihvata se Preporuka Komisije za javnu nabavku broj: 02-45-3502/21 od 09.02.2022. godine i Ugovor o izvođenju radova “Izgradnja javnog objekta namjene odgojno obrazovni objekat-Obdanište”, dodjeljuje se ponuđaču d.o.o. „Papilon“ Koraj-Čelić, ponuda broj: 12/22, zaprimljena na protokol ugovornog organa dana 27.01.2022.godine, po ponuđenoj cijeni, a nakon održane e-aukcije, u iznosu od 224.770,00 KM bez PDV-a.

Član 2.

Ponuđač iz člana 1. ove Odluke je u ponudi broj: 12/22 dostavio originale ili ovjerene kopije dokumentacije navedene u Tenderskoj dokumentaciji broj: 02-45-3502/21 od 08.11.2021. godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-45-3502/21 od 03.11.2021. godine. Javna nabavka radova “Izgradnja javnog objekta namjene odgojno obrazovni objekat-Obdanište” provedena je putem otvorenog postupka. Procijenjena vrijednost javne nabavke iznosila je 211.793,50 KM bez PDV-a. Ugovorni

organ je proveo postupak javne nabavke izbora izvođača radova na realizaciji predmetnog Projekta, te je cijena najniže ponude iznosila bez PDV-a 224.770,00 KM, sa PDV-om 262.980,90 KM. Obzirom da odobreni iznos iz Budžeta općine Čelić za procijenjenu vrijednost nije dovoljan za finansiranje cjelokupnog projekta, preostali iznos od 12.976,50 KM finansirat će se iz Budžeta Općine Čelić za 2022. godinu, budžetska pozicija 821619 – Rekonstrukcije i ostala poboljšanja.

Obavještenje o nabavci broj: 306-1-3-105-3-32/21 objavljeno je na Portalu javnih nabavki 09.11.2021.godine, odnosno Ispravka obavještenja o nabavci broj: 306-1-3-105-8-36/21 od dana 23.12.2021. godine te Ispravka obavještenja o nabavci broj: 306-1-3-105-8-39/21 od dana 30.12.2021. godine.

Komisija za javne nabavke imenovana Rješenjem broj: 02-45-3502/21 od 03.11.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-3502/21 od 03.02.2022. godine, Preporuku o izboru najpovoljnijeg ponuđača broj: 02-45-3502/21 od 09.02.2022. godine i Izvještaj o radu komisije broj: 02-45-3502/21 od 09.02.2022. godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristiglo ukupno pet ponuda i to: „Seta inženjering“ Zavidovići, „ČAZE“ SP, Brčko, d.o.o. „Bijelić gradnja“ Brčko, d.o.o. „Papilon“ Koraj-Čelić i „Astra plan“ d.o.o. Brčko,
- da je blagovremeno primljeno pet ponuda,
- da nije bilo neblagovremeno primljenih ponuda,
- da ponude ponuđača d.o.o. „Papilon“ Koraj-Čelić i „Astra plan“ d.o.o. Brčko ispunjavaju kvalifikacione uslove predviđene Tenderskom dokumentacijom,
- da ponude ponuđača „Seta inženjering“ Zavidovići, „ČAZE“ SP, Brčko i d.o.o. „Bijelić gradnja“ Brčko ne ispunjavaju kvalifikacione uslove predviđene Tenderskom dokumentacijom, te su iste ocijenjene kao neprihvatljive.

d.o.o. „Bijelić gradnja“ Brčko

Pregledom i ocjenom ponuda utvrđeno je da u ponudi ponuđača **d.o.o. „Bijelić gradnja“ Brčko** nisu dostavljeni dokazi u skladu sa tačkom 4.1. Tenderske dokumentacije. Naime, Tačkom 4.1. Tenderske dokumentacije zahtijevano je, između ostalog i sljedeće:

Popunjen i potpisan predmjer radova.

Na stranici 69. ponude ponuđača, u koloni UKUPNO (KM), ponuđač je propustio da popuni istu, te na taj način postupio suprotno zahtijevanom iz tenderske dokumentacije. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Članom 57. stav (1) ZJN propisano je da se u postupku javne nabavke kandidat / ponuđač pridržava zahtjeva i uslova iz tenderske dokumentacije.

Imajući u vidu navedeno, Komisija je jednoglasno odlučila da ponuda ponuđača d.o.o. „Bijelić gradnja“ Brčko nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva i u skladu članom 68. Stav (4) tačka i) Zakona o javnim nabavkama odbačena.

„Seta inženjering“ Zavidovići

Pregledom i ocjenom ponuda utvrđeno je da ponuda ponuđača **„Seta inženjering“ Zavidovići** nije dostavljena u skladu sa tačkom 6.6. Tenderske dokumentacije, koja glasi:

Ispravke u ponudi od strane ponuđača se vrše u skladu sa članom 18. Stav (1) tačka m) Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15). Dakle, podaci koji su postojali prije ispravke moraju biti vidljivi, ispravke moraju biti potvrđene potpisom ponuđača, sa navedenim datumom izvršenih ispravki.

Naime, na stranici 21. ponude ponuđača, u predmjeru radova, Betonski radovi pod rednim brojem 4., kolona 5 i 6., ponuđač je korektorom ispravljao tekst u navedenim kolonama, bez da je iste potvrdio potpisom ponuđača, sa navedenim datumom izvršenih ispravki.

Članom 57. stav (1) ZJN propisano je da se u postupku javne nabavke kandidat / ponuđač pridržava zahtjeva i uslova iz tenderske dokumentacije.

Imajući u vidu navedeno, Komisija je jednoglasno odlučila da ponuda ponuđača „Seta inženjering“ Zavidovići nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva i u skladu članom 68. Stav (4) tačka i) Zakona o javnim nabavkama odbačena.

SP „ČAZE“ Brčko

Pregledom i ocjenom ponuda utvrđeno je da ponuda ponuđača SP „ČAZE“ Brčko nije dostavljena u skladu sa Tenderskom dokumentacijom. Naime, na stranici 49. ponude ponuđača, u predmjeru radova, Rekapitulacija, pod rednim brojem VI ponuđač je propustio da popuni kolonu UKUPNO za navedene tesarske i pokrivačke radove.

Imajući u vidu navedeno, Komisija je jednoglasno odlučila da ponuda ponuđača SP „ČAZE“ Brčko nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva i u skladu članom 68. Stav (4) tačka i) Zakona o javnim nabavkama odbačena. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Članom 57. stav (1) ZJN propisano je da se u postupku javne nabavke kandidat / ponuđač pridržava zahtjeva i uslova iz tenderske dokumentacije.

Na stranici 24. Ponude ponuđača, ANEKS 4. – OBRAZAC ZA DOSTAVU POVJERLJIVIH INFORMACIJA, ponuđač nije dostavio isti u skladu sa Tenderskom dokumentacijom. Naime, tenderskom dokumentacijom je naznačeno da ponuđač navedeni obrazac mora ovjeriti na način da će staviti potpis i pečat dobavljača. Ponuđač je potpisao obrazac ali nije stavio pečat. Članom 57. stav (1) ZJN je propisano da se u postupku javne nabavke kandidat / ponuđač pridržava zahtjeva i uslova iz tenderske dokumentacije.

Imajući u vidu navedeno, Komisija je jednoglasno odlučila da ponuda ponuđača SP „ČAZE“ Brčko nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva i u skladu članom 68. Stav (4) tačka i) Zakona o javnim nabavkama odbačena.

Pregledom i ocjenom ponuda uočene su računске greške kod ponuđača d.o.o. „Papilon“ Koraj-Čelić, te je istom dostavljen Zahtjev za prihvatanje ispravke računске greške, broj: 02-45-3502/21 od dana 31.01.2022. godine. Saglasnost za prihvatanje ispravke računске greške od strane „Papilon,, d.o.o Koraj-Čelić broj: 10/22 od dana 02.02.2022. godine dostavljena je u ostavljenom roku i sastavni je dio ovog Zapisnik.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 08.02.2022. godine u 11:00 h. Ugovorni organ je preveo e-aukciju u zakazano vrijeme i dostavio Komisiji izvještaj o toku i završetku e-aukcije 08.02.2022. godine u 11:20 h. U izvještaju je kreirana konačna rang lista ponuđača koji su učestvovali u e-aukciji, prema

kriteriju najniže ponuđene cijene, a po kojoj je najpovoljnija ponuda ponuđača: d.o.o. „Papilon“ Koraj-Čelić sa najnižom ponuđenom cijenom od 224.770,00 KM bez PDV-a.

Komisija je nakon ocjene ponuda i izvršene e-aukcije dana 08.02.2022. godine dala preporuku ugovornom organu da ugovor o izvođenju radova zaključi sa ponuđačem d.o.o. „Papilon“ Koraj-Čelić sa najnižom ponuđenom cijenom u iznosu od 224.770,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.


U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.



OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (2x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi